

Grad Novi Pazar
Skupština grada
Odbornička grupa SDA Sandžaka
Novi Pazar
3. septembar 2023. godine

P R E D S J E D N I K U
SKUPŠTINE GRADA NOVOG PAZARA

Na osnovu člana 44. stav 1. Statuta grada Novog Pazara („Službeni list grada Novog Pazara“, broj 6/19), člana 44. stav 1. i člana 109. stav 2. Poslovnika Skupštine grada Novog Pazara („Službeni list grada Novog Pazara“, broj 6/19) podnosimo prijedlog **da se iz predloženog dnevnog reda 4. sjednice Skupštine grada Novog Pazara zakazane za 4. septembar 2023. godine, povuče tačka 5. Prijedlog Odluke o davanju saglasnosti na Odluku o usvajanju cjenovnika usluga JKP „Gradska čistoća“ Novi Pazar**

O b r a z l o ž e n j e:

Predložena odluka kojom se namjeravaju povećati cijene usluga JKP „Gradska čistoća“, nije utemeljena na realnoj ekonomskoj moći građana i predstavlja otvoreni udar aktuelne vlasti i upravljačkih struktura JKP „Gradska čistoća“ na novac građana Novog Pazara.

Predloženo poskupljenje usluga JKP „Gradska čistoća“ naročito je sporno u dijelu koji se odnosi na povećanje cijene iznošenja komunalnog otpada za domaćinstva.

U svom obrazloženju JKP „Gradska čistoća“ kao jedan od argumenata za povećanje cijene iznošenja komunalnog otpada za domaćinstva navodi povećanje prosječne zarade na teritoriji Novog Pazara. Pomenuti argument ne može se uzeti kao osnov za povećanje cijene ove vrste usluge iz razloga što je iznos prosječne portošačke korpe veći od iznosa prosječne neto zarade na teritoriji grada Novog Pazara. Dakle, iako postojeća prosječna zarada nije dovoljna da podmiri sve potrebe, gradske vlasti ovim povećanjem vrše dodatni udar na ionako siromašne ekonomske mogućnosti građana.

Pored toga, JKP „Gradska čistoća“ je u martu mjesecu 2023. godine već jednom povećalo cijenu iznošenja komunalnog otpada za domaćinstva, pa se postavlja pitanje opravdanosti i svrhe novog povećanja nakon samo pet mjeseci. Politika konstantnog povećanja usluga koje građanima pružaju gradske javne službe predstavlja pogrešan kocept rada i odraz je krajnje nesposobnosti ali i namjere da se pogrešna poslovna politika i nesavjesno upravljanje javnim

preduzećima nadomesti permanentnim neosnovanim uzimanjem novca od građana. Sa druge strane, JKP „Gradska čistoća“, usled lošeg upravljanja, ne vrši kvalitetno svoje obaveze prema građanima što je naročito vidljivo kod stanja čistoće gradskih ulica i naselja, a posebno kada je u pitanju situacija na deponiji „Golo brdo“ i sve većeg broja pasa lotalica koji predstavljaju prijetnju za zdravlje i sigurnost građana.

Shodno naprijed navedenom, Odbornički klub SDA Sandžaka, predlaže da se tačka dnevnog reda Prijedlog Odluke o davanju saglasnosti na Odluku o usvajanju cjenovnika usluga JKP „Gradska čistoća“ Novi Pazar, povuče sa dnevnog reda.

Predsjednik odboričke grupe

Mr. Ahmedin Škrijelj